

醫書第一善本

浙江馮楚瞻纂輯

馮氏錦囊秘

錄

內經纂要

襍症大小合參

女科精要

脉訣纂要

外科精要

脩養靜功

痘疹全集

襍症痘疹藥性合參

宏道堂藏板



序

昔義興太守許嗣宗精於
醫或勸其著書貽後以答
曰醫者意也吾素所解莫
能宣矣蓋深恐學古之士



泥于書拘于法引經斷
罔識爰通創為斯說以
天下意深遠矣今書業醫
之家動以百計岐伯聖經
雷公炮炙伊贄湯液箕子



洪範越人問羅仲景傷寒
士安甲乙啓玄子傳經錢

仲陽診議李時珍本草經

目、不經見妄以醫名遂

至風寒燥玄暑濕之六氣

喜怒哀思悲恐驚之七情

表裏虛實寒熱邪正之

要浮沉遲數滑濇大緩之

八脈浮芤滑實弦緊洪之

七表微沉緩濇遲伏虛弱



之八裏長短虛促結代生

動細之九道以及五行之生

剋十之經絡之傳同受肺臟陰

陽天和哉令茫然莫解病

者當前所投非瘥以速膏

冒嗚呼殆矣不知醫書

也一經非讀書軒岐以下書

不能出是言非讀書軒岐

以下書不能行是言也武

原馮子楚瞻少業醫兩行遊

浙東西間所全活望美浙

東西士以醫名者咸俟

出步下乙丑夏至京師經歷

愈多施濟愈驗名譽藉甚

公卿間一日來謁予出公一帙



曰錦囊秘錄集推採標

縷晰條分使覽者按類

隨

索瞭若觀火蓋祖軒岐宗

倉越法劉張朱李及前後

名家言博綜其義然以已



見而成此集位醫學之

梁百家之囊橐也然則

家興之宜可葯天下之

古而不知受者續武原馮

子之盡可藥天下之枵腹



而玄談之倉之術者

康熙歲次丙寅中秋書

燕臺邸舍

潞河張士甄

嘉慶癸酉年會成堂重修



自序

大哉醫道之不可不知也慎哉醫道之不可不知也人
不知醫則養生之道何以明良相之心何以濟生知之
而不深其患尤甚病有虛虛實實之變法有正治從治
標本攻補先後之宜識認不清龍雷者治作實火中空
者治作內餘血虛作楚治作風邪外束火冒頭疼治作
太陽受寒腎虛作瀉治作脾胃內傷燥澀膈噎治作痰
火鬱滯無根脫氣上衝治作有餘消導腎虛奔豚游痛
治作血塊峻攻以至脾虛困倦之癰疾誤為肝強而削
伐勞傷虛罷之微邪誤為傷寒而重疎困倦內傷之微

滯誤為傷食而重攻且外微熱而裏和思食少少進食
何妨因微熱而嚴禁之每多餓死之冤表氣虛而畏寒
怕風微微養衛最宜疑外感而遽汗之常有亡陽之虞
不顧本而徒顧標標未盡而本先拔縱標盡而何功不
切脉而惟問候候有誤而脉無虛候若異而何據守千
古以上之成方奈千古以下之人病情不合讀萬載傳
流之證論嗟萬載傳流以下厚薄迥殊本厚者何妨忘
本攻邪本淺者理宜顧主逐客凡此種種察治稍乖安
危損異豈不難哉况男婦之治不同妙灸之候有別先
哲云寧治一男子莫治一婦人寧治十婦人莫治一小

自序

嘗觀上古之醫立方重劑尅劑如麻黃承氣陷胸抵當等
湯咸獲其效所以立法垂訓後人中古之醫則有參蘇飲
人參敗毒散至於東垣立齋則有補中益氣人參養榮等
湯以爲虛人發散之用蓋因天地氣化之厚薄迴殊而人
稟受之強弱大異因時處方是以如斯之不同耳迄乎人
也氣化轉薄稟受更衰况多縱恣以耗其真妄動以戕其
性思慮以傷其神嗜慾以竭其精自身既不能永享遐齡
而其爲子嗣者所稟更薄矣氣血旣虛變現百出書卽所

謂難以名狀也再或七情稍動於中疾病崛起於內非若
古之天稟既厚性成淳朴先後之氣充足縱有六淫外犯
惟用重劑以竭之可愈者況內經有云邪之所湊其正必
虛不治其虛安問其餘又曰精神內守病安從來可見百
病之來必由於虛而有邪之湊更由於虛故許學士有讀
仲景書守仲景法未嘗用仲景方乃爲得仲景心也張所
以有纂集上古中古近世羣賢諸論以明強弱補瀉之宜
更集幼科方脉合參以廣先天後天少壯厚薄之異更集
女科外科各論以辨陰陽內外之殊更詳聲形色脉以爲



望聞問切之用計成二十卷於前冊矣至於痘疹既由先天受毒之輕重稟賦之厚薄更關後天氣血之盛衰調治之宜否則其上古中古近世之所稟不同而古遺補瀉諸方定論亦難取爲做法矣故張亦將先後羣賢諸論條分各門彙列備悉復揣古哲未盡之旨并張寤寐心得之微贅之於末以證後賢但張七齡先嚴見背痛乏趨庭之訓長因貧窶苦無膳讀之資雖由諸生以入國學實以岐黃之道牛馬四方甲子部試入都因而寄跡燕地者二十載矣黑髮已成皓首倦飛之鳥知還愧無一事之成



特展半生之秘深慚不學無文敢望 大方教政神而明
之使長幼共沐乎春風長養之中皆出後賢誠求利濟之
德實爲壽世無疆 張私爲之預慶預禱也

康熙歲次壬午立春日書於燕臺邸舍

後學馮兆張謹識

